

Կ Ա Ր Ծ Ի Ք

ՎԱՀԱՆ ՍԱՍՎԵԼԻ ԳԱՐԱՔՅԱՆԻ «ՖԻՆԱՆՍԱԿԱՆ ԱՌԻԴԻՏԻ ԿԱԶՄԱԿԵՐՊՍԱՆ ՀԻՄՆԱԽՆԴԻՐՆԵՐԸ ԱՐՏԱԴՐԱԿԱՆ ՁԵՌՆԱՐԿՈՒԹՅՈՒՆՆԵՐՈՒՄ (ԼՂՀ ՕՐԻՆԱԿՈՎ)» ԹԵՄԱՅՈՎ ԱՏԵՆԱԽՈՍՈՒԹՅԱՆ ՎԵՐԱԲԵՐՅԱԼ, ՆԵՐԿԱՅԱՑՎԱԾ Ը.00.03 «ՖԻՆԱՆՍՆԵՐ, ՀԱՇՎԱՊԱՀԱԿԱՆ ՀԱՇՎԱՌՈՒՄ» ՄԱՍՆԱԳԻՏՈՒԹՅԱՄԲ ՏՆՏԵՍԱԳԻՏՈՒԹՅԱՆ ԹԵԿՆԱԾՈՒԻ ԳԻՏԱԿԱՆ ԱՍՏԻՃԱՆԻ ՀԱՅՑՄԱՆ ՀԱՄԱՐ

Շուկայական հարաբերությունների պայմաններում էականորեն մեծանում է արտադրության կազմակերպման դերը, քանի որ մրցակցային շուկան թելադրում է իր պահանջները տնտեսավարող սուբյեկտների կողմից թողարկվող արտադրանքի որակի, ցածր ինքնարժեքի, արտադրանքի իրացվելիության և այլ պայմանների բավարարման առումով: Այդ ուղղությամբ ցանկալի արդյունքներ ապահովելու համար խիստ կարևորվում է կառավարման նորագույն մեթոդների ու տեխնոլոգիաների ներդրումը և արտադրության արդիականացումը:

Լեռնային Ղարաբաղի Հանրապետությունում վերջին տարիներին արդյունաբերության ոլորտն ունեցել է զգալի կորուստներ, ինչի հետևանքով վերջինիս մրցակցային հնարավորությունները խիստ սահմանափակվել են: Նման իրավիճակում տնտեսական ու տեխնիկական ժամանակակից բազայի ձևավորումը և թողարկվող արտադրանքի մրցունակության բարձրացումն, առավել, քան ակնհայտ են դառնում: Այս առումով, արտադրական ձեռնարկությունների ֆինանսական կառավարման խնդիրները տնտեսական զարգացման ներկա փուլում ձեռք են բերում մեծ կարևորություն, որոնց լուծման գործում առանձնահատուկ դեր ու նշանակություն ունի ֆինանսական աուդիտի իրականացումը: Այս ուղղությամբ առկա են բազմաթիվ և բազմապիսի խնդիրներ, որոնց լուծումը ենթադրում է գիտական նորագույն մեթոդների և մոտեցումների մշակում ու կիրառում, ֆինանսական աուդիտի կազմակերպման ու իրականացման ուղղությամբ

գործնական քայլերի իրականացում, ինստիտուցիոնալ և իրավական հիմքերի կատարելագործում և այլն: Գրախոսվող ատենախոսությունը նվիրված է նշված հարցերի համակողմանի և համալիր ուսումնասիրությանը, ինչով էլ պայմանավորված են ատենախոսության թեմայի արդիականությունը և հրատապությունը:

Աշխատանքն ունի տրամաբանական կառուցվածք, որում իրականացված ուսումնասիրությունները հեղինակին թույլ են տվել հիմնավորել թեմայի կարևորությունը, բացահայտել տվյալ ոլորտի առանձնահատկությունները և մշակել դրանցով պայմանավորված տնտեսական յբադաքականության հիմնական ուղղությունները:

Ներածությունում հիմնավորված են հետազոտության արդիականությունը և ստացված արդյունքների գործնական ներդրման հրատապությունը, հրված է հետազոտության նպատակը և բացահայտված են դրան հասնելու հիմնական ուղիները:

Ատենախոսության *առաջին* գլուխը նվիրված է ժամանակակից տնտեսական համակարգերում ֆինանսական աուդիտի դերի և նշանակության գնահատմանն ու սուսումնասիրությանը:

Հետազոտության *երկրորդ* գլխում վերլուծության են ենթարկվել աուդիտի կազմակերպման հիմնախնդիրները Արցախի Հանրապետության արտադրական կազմակերպություններում:

Աշխատանքի *երրորդ* գլխում մշակվել են Արցախի Հանրապետության արտադրական կազմակերպություններում աուդիտի կատարելագործման ուղիները:

Հետազոտության արդյունքների հավաստիությունը պայմանավորված է այն հանգամանքով, որ աշխատանքում մշակված մոտեցումները և արված առաջարկությունները հիմնված են քննարկվող հիմնահարցը ուսումնասիրող հայտնի մասնագետների աշխատությունների վրա, իսկ որպես տեղեկատվական հիմք ծառայել են այդ բնագավառին վերաբերող պաշտոնական և վիճակագրական նյութերն ու

տվյալները: Ատենախոսությունում օգտագործված են վերլուծության ժամանակակից մեթոդներ, որոնք, ակնհայտորեն, բարձրացրել են ստացված արդյունքների հավաստիության աստիճանը:

Աշխատության **գիտական նորույթը** կայանում է արտադրական կազմակերպություններում պաշարների աուդիտի իրականացման գործընթացում ամբողջական և արժանահավատ աուդիտորական ապացույցներ հավաքագրելու նպատակով պաշարների աուդիտի ընթացակարգերի հաջորդականություն և կիրառելի փաստաթղթերի շրջանակների մշակման, արտադրապրոցեսում պատրաստի արտադրանքի արտադրության նպատակով կատարվող ծախսումների բաշխման արժևորումը գնահատելու համար հավաստիություն (ապացույցներ) ձեռք բերելու միջոցառումների իրականացման մեթոդական մոտեցումների առաջարկման, ինչպես նաև աուդիտի իրականացման գործընթացում աուդիտորական ընկերություններին մասնագիտական աջակցություն ցուցաբերելու և ընթացիկ հսկողություն իրականացնելու նպատակով ԱՀ-ում լայն լիազորություններով օժտված աուդիտորական անկախ մասնագիտական կառույցի ստեղծման անհրաժեշտության հիմնավորման մեջ:

Հեղինակի կողմից մշակված մեթոդաբանական ու մեթոդական մոտեցումներն, արված առաջարկություններն ու ընդհանրացումներն ունեն տեսական և գործնական նշանակություն: Դրանք կարող են լայնորեն օգտագործվել տնտեսական կառավարման տարբեր մակարդակներում, դառնալ ինչպես ամբողջ տնտեսության, այնպես էլ նրա առանձին ոլորտների հետագա զարգացումը պայմանավորող խթանիչ տեղաշարժերի բացահայտման, դրանց ճիշտ նպատակաուղղման և տնտեսական կայուն աճի համար անհրաժեշտ նախադրյալների ստեղծման արդյունավետ գործիք: Հետազոտության արդյունքների գիտագործնական կիրառության շրջանակները բավականին լայն են և ուշադրության արժանի:

Ատենախոսությունը գերծ չէ դիտողություններից, որոնցից հատկանշական են **հետևյալները.**

1. Արտադրական ձեռնարկությունների արդյունավետ գործունեության վրա բավականաչափ մեծ է տեխնոլոգիական և կազմակերպչական գործոնների ազդեցությունը: Ըստ էության, կառավարման գործընթացի բարելավման համար հատկապես անհրաժեշտ է համալիր վերլուծության ենթարկել դրանք: Այս առումով, կարծում ենք, ատենախոսությունում ֆինանսական միջոցների կառավարման և ֆինանսական աուդիտի իրականացման խնդիրները պետք է առավել խորությամբ դիտարկվեին նաև այդ տեսանկյունից:
2. Արտադրական ձեռնարկությունների գործունեությունն ու զարգացումն ունի որոշակի առանձնահատկություններ, կախված տնտեսական գործունեության ոլորտներից և ճյուղերից: Ըստ էության, դա նաև իր համապատասխան անդրադարձն է ունենում ֆինանսական ուղիտի կազմակերպման ու իրականացման վրա: Կարծում ենք, ատենախոսությունում իր վերլուծությունների իրականացման համար հեղինակը պետք է ընտրեր արտադրական ձեռնարկությունների առավել լայն շրջանակ՝ ֆինանսական աուդիտի իրականացման խնդիրների առավել ամբողջական լուծումներ ապահովելու նպատակով:

ԵԶՐԱԿԱՑՈՒԹՅՈՒՆ

Արված դիտողությունները չեն նսեմացնում հետազոտության արդյունքները: Դրանք հետապնդում են արտադրական ձեռնարկություններում ֆինանսական աուդիտի իրականացման հարցերին նվիրված հետազոտությունների ուղղությունների բացահայտման նպատակ:

Վ. Գարաբյանի թեկնածուական ատենախոսությունն իրենից ներկայացնում է ինքնուրույն, ամբողջական և արժեքավոր հետազոտություն, որում դրված և լուծված են հանրապետության համար կարևոր ու արդիական խնդիրներ:

Հեղինակի մասնագիտական ու վերլուծական մակարդակը, ակնհայտորեն, բարձր է, ինչի մասին է վկայում ինչպես ատենախոսությունը, այնպես էլ դրանում ստացված

արդյունքները: Աշխատանքում մշակված առաջարկությունները և կատարված եզրահանգումները կարող են լայնորեն օգտագործվել ֆինանսական աուդիտի իրականացման գործընթացում:

Հետազոտության հիմնական արդյունքները հրապարակված են: Ատենախոսության սեղմագիրը համապատասխանում է ուսումնասիրության բովանդակությանը և արտացոլում աշխատանքի կարևորագույն դրույթներն ու արդյունքները: Ընդհանուր առմամբ, Վ. Գարաբյանի «Ֆինանսական աուդիտի կազմակերպման հիմնախնդիրները արտադրական ձեռնարկություններում (ԼՂՀ օրինակով)» թեմայով ատենախոսությունը համապատասխանում է «Հայաստանի Հանրապետության գիտական աստիճանաշնորհման կանոնակարգի» 6-րդ և 7-րդ կետերի, ինչպես նաև թեկնածուական ատենախոսություններին ներկայացվող պահանջներին, իսկ դրա հեղինակն արժանի է Ը. 00.03- «Ֆինանսներ, հաշվապահական հաշվառում» մասնագիտությամբ տնտեսագիտության թեկնածուի գիտական աստիճանի շնորհմանը:

ՊԱՇՏՈՆԱԿԱՆ ԸՆԴԴԻՄԱՆՈՍ,
տնտեսագիտության թեկնածու
23.04.2020թ.

Վ. ՄԱՑԱԿԱՆՅԱՆ

Պարոն Վ. ՄԱՑԱԿԱՆՅԱՆԻ
ստորագրությունը հաստատում եմ
պ. գ. թ.
ԵՊՀ գիտական քարտուղար



Լ. ՀՈՎՍԵՓՅԱՆ

23.04.2020թ.